



## Universitätsbibliothek Paderborn

**Vita Venerabilis Arnesti, (vulgò Ernesti) Primi  
Archiepiscopi Pragensis**

**Balbín, Bohuslav**

**Pragæ, 1664**

Joannes Pragensis Episcopus, ejus nominis Quartus, à Virtute  
commendatissimus Præsul, moritur; cui, consensu omnium, Arnestus  
sufficitur, & Avenione in Gallijs consecratur. Caput I.

**urn:nbn:de:hbz:466:1-42763**

80 DE VITA VENERABILIS ARNESTI LIB. II.  
facies ac formas nobis depingunt, & novitatis audaciā placent: Nam quis ea quæ nemo sīnē periculo scire potuit, ab Authore requirat? Adeat, si quis cupit refellere; at in rebus domesticis notandis, & orbe nostro, pro inexcusabili errore accipitur, & im- placabiles sunt lectores. Eandem ego apud Lectores meos veniam spero: nam quæ Arnestus ad Episcopatum usque gessit, ignota, & quasi uno mari non adeunda, removit Antiquitas; terris & urbibus recendentibus, omnia ex oculis fugerunt; at quæ sequuntur, in publica Aularum, & hominum luce gesta, temporibus suis ac locis distincta, quamvis magno labore, multisque codicibus vetustissi- mis pervolutis, collecta tamen sunt, ut jam ex ultima barbaria, & transmarinis Regionibus, ad humanitatem & hominum cætum, cum æstivis avibus reverti me putem. Quanquam & in his præ- stare culpam omnem non possum; alienā authoritate nitor, & velut in fabulis, horti nescio cujus servatrices Virgines, oculum, sic ego mutuum ab Antiquitate lumen accepi; alienis oculis vi- deo, alienis auribus audio.

Joannes Pragensis Episcopus,  
<sup>anno 1141.</sup> ejus nominis Quartus, à Virtute com-  
mendatissimus Præsul, moritur; cui,  
consensu omnium, Arnestus suffici-  
tur, & Avenione in Gallijs  
consecratur.

## CAPUT I.

A Nno 1342. octavo post Innocentium Martyrum memo-  
riam die, Joannes Episcopus Pragensis, septimus & vicesi-  
mus,

mus, ad retributorem bonorum omnium DEV M, ut Pontanus loquitur, evolavit è vita; dignus omni præconio Præsul, qui difficultem successoribus suis in certamine virtutum palmam reliquerat, nisi successorem Arnestum habuisset; cuius virtute, virtutis prioris, & fama & gloria oppressa, & penè extincta est. Non erit abs re paucula quædam ex ejus gestis delibare, nè eos imitari videamur, qui admoti gubernaculis ( pessimo & invidioso consilio ) antecessorum suorum acta reprehendendo, Magistratum auspicantur. Ioannes igitur Episcopus, Divina Matris Cœnobium Canonicis Regularibus S. Augustini excitavit Raudnicj; ibidem pauperes viatores, in Albis trajectu periclitantes, &, ob inopiam aris, alio versos, miseratus, solidum è grandi lapide super Albim Pontem exstruxit, cui, post Pragensē, soliditate parem, in Bohemia vix invenires, hodie ruinas ingentes minasque videmus. Addidit pius Præsul ad Pontem Nosocomium, & Hospitalem pauperibus domum, in quam recepti, omnibus humanæ vitæ solatijs recreantur. Tres Præbendas, ut vocant, Ecclesiae Pragensi adjecit, Altaria item duo; alterum sacerdotio Sylvestro Papa ( ante quod altare humatus est ) alterum S. Marthæ, sacerdotio divite, utrobique fundavit; in quam sanctissimam Virginem præcipuo semper amore ferebatur, ejusque sacrum diem, publicè toto regno à populo, ut festivissimum letissimumque, coli voluit. S. Adalberti tumulum deinde sibi sumvit ornandum, omnemque argenteis lamellis, & clypeis labore ingnioso, materiaque & arte pretioso, communivit & rex; quem postea modum, nobili inventione delectati Bohemiæ Proceres, in ornando S. Wenceslai sepulchro tenuerunt. Sed illud imitatione Præsulum dignissimum ( quod pietatis genus alibi legisse non memini ) vorum flexo genu in limine Pragensis Ecclesiam ediderat, quo amplificaturum se, quibus posset modis, Ecclesiam suam, & SS. Patronorum honores & gloriam, promisit; eo quidem voto Principem Pastorum Christum exprimere voluisse visus est, qui, ut pararet sibi sponsam Ecclesiam, nec sanguini, nec vitæ pepercit. Huic ergo tanto, tamque laudato Præsuli, cum par successor quereretur, oculis omnium in unum Arnestum conjectis,

L

S. Spirī-

Pontanus in  
Bohemia Pia  
in Joann. IV.

Ioannis Epi-  
scopi, qui  
Arnestam  
ancessit.  
magna vir-  
tures, ac pre-  
ciput Misericordia.

Dubrav. Epist.  
Olen. hist. Bob.  
l. 31.

Pontanus hist.  
Boh. l. cii.

Ioannis Epi-  
scopi in  
suam Eccle-  
siam mirus  
amor.

Lippa. Pontanus. Hagek.  
Chronicon M.  
S. Glacense.  
Dubrav. VV.  
In lata. locis  
sepe citatu &  
citando.  
Arnestus eli-  
gitur & no-  
minatur E-  
piscopus.  
Pontanus in  
Ernesto.  
Hagek. Anno  
1342.

Dubrav. bish.  
Bohem. l. 21.

Arnestus A-  
venionem  
profici-  
tur.

Historia Mo-  
nasterij Sed-  
lectensis An.  
1342. Hagek.  
etiam Anno.

Clemens VI.  
amator Bohe-  
morum ap-  
pellatus.

Arnestus  
consecratur  
Episcopus in  
Gallia.

*S. Spiritus* ope cælitus evocatâ, decimo quarto Januarij, *S. Hilari* die, concordibus omnium omnino (ut manuscripta notant) Canonorum votis, *Arnestus*, Ecclesiæ Pragensis pridem antè Decanus, *Episcopus* nominatur. Cùm repugnare capisset, & nescio quam imbecillitatem & insufficientiam, ut ita dicam, obtenderet, responsum est, eò aptiorem omnibus visum iri, quò magis dignitatem excusaret. *Pontanus* neminem de *Arnesto* eligendo dubitare potuisse, ait; *virum enim fuisse multis nominibus commen- datum*; apertiùs *Hagecius* ob Nobilitatem, vitæ sanctimoniam, & insignem doctrinam, tum ob humanitatem, & paratissimum mitémque in omnes animum, atque insuper, ob morum gratiam, formæ dignitatem, ac staturam corporis altam, & regiam, antepositum omnibus scribit. *Regi quoque Ioanni* non displicuisse eam Electionem constat; at *Carolus Princeps* exsiliare gaudio, cùm animæ suæ Patrem amplissimâ dignitate ornatum, & publicum Cleri universi judicium congruere cum suo videret. Una conser- cratio desiderabatur, quæ cùm ad *Archiepiscopum Moguntinum Metropolitam*, de jure spectaret, isque *Ludovici Bavari Cæsar*is (in quem anathema tres Pontifices Romani dixerant) partes se- queretur, eaque dignitate, per Societatem Cæsar, excidisset, ni- mirum ad *Clementem VI. Pontificem Avenionem in Galliam*, ubi tum versabatur *Arnestum* proficiisci oportuit. Erat is *Pontifex* ex Gallica gente, Bohemo nomini universim amicissimus, adeoque benevolus, ut se *Bohemorum Patrem* gauderet appellari: nemo, nè quidem peregrinus inops, aut viator, si modò è Bohemia venire se diceret, arcebatur conspectu. Statim inter aulicorum manus (qui Dominorum mores imitari præcipuam Aularum artem pu- tant) ad *Pontificem Clementem* admissus, latè exceptus, interrogati- onibus de Bohemia fatigabatur; lautè deinde habitus, impe- tratis quæ petebantur, donis insuper auctus, revertebatur ad suos. Quātā jam significatione amoris *Arnestum* à summo Pontifice putamus exceptum? & fortasse jam antè aut commendatione, studiorum Italicorum, aut famâ sanctimoniaz præeunte, & quod in Aula Romana pridem vixerat, à Pontifice noscebatur, & ama- batur.

batur. Statim negotium *Cardinali Portuensi* datum, à quo consecratus, litterisque Apostolicis munitus, bonâ Pontificis voluntate, discessit. Nemo hoc loco ambitum aliquem in *Arnesto*, & volatum ad gloriam & cupiditatem suspicetur; satis, quantum honores timeret ac fugeret, reliqua viri vita, & quæ de ejus humili-  
tate postea dicemus, ostendent. Episcopos, dum consecrantur,  
semel iterumque *Nolo*, *Nolo*, tertio tandem *Volo*, dicere Cærimo-  
niarum libri significant; scio *Arnestum* etiam tertio *Nolo* dictu-  
rum fuisse, nisi vocationis auspicium, Majorum imperium, & cer-  
tissima Divinæ gloriæ spes præcessisset. Sperabant certè de *Arne-*  
*sto* maxima summi minime, redditusque ejus *Pragam* triumpho  
hūmilis fuit: Procul occurrit *Ioannes Rex* cum filijs, totâque No-  
bilitate; Clerus & populus celebrem supplicationem adornavit,  
tantisque populi amore, ut habet scriptor, salutatus est, ut se pa-  
rentem publicum, & privatim quisque suum excipere arbitra-  
tur. Prima *Arnesto* Ecclesiarum cura: *Templum Parochiale S.*  
*Egidij Prague*, magnificum in primis, *Ioannes Episcopus* inchoarat,  
mors opus abruptit; *Arnestus* aggressus absolvit, additâ turri ele-  
gantissimâ & altissimâ (nam turritis operibus delectari *Arnestum*  
solitum tradunt) quam deinde fulmen prostravit; hujus ædifica-  
tionis argumento hodiéque Episcopi utriusque (*Ioannis & Ar-*  
*nesti*) gentilitia insignia in Propylæo Templi spectantur. Sed  
majus illud, cui operi æternitas quærebatur, quod *Arnesti* consi-  
lio, in *DEI Matris* honorem, *Princeps Carolus Moraviae Marchio*  
architectatus est: altissimam quandam, & spatiösam domum; Ca-  
thedrali Ecclesiæ adjectam, magnâ substructionum mole, eduxit;  
attributisque liberalissimis, quæ Principem decent, censibus,  
Collegium quatuor & viginti Clericorum instituit (Sacerdotes  
duodecim, sex Diaconi, totidem Subdiaconi, veteri Ecclesiæ ritu  
fuerunt) eorum unica cura, divina officia in *S. Viti* templo pera-  
gere, manè in aurora unum de *B. Virgine* sacrum canere & cantu  
respondere; quod institutum *Arnestus* primùm litteris, deinde  
*Papa Clemens*, Bullis editis, confirmarunt. Atque hinc ortum  
habet vetus illa apud historicos traditio, *Arnestum* authorem esse

Durandus de  
Ricibus. De lib.  
viii Abulensis  
in lib. 2. Reg.  
fol. 91.

*Arnestus* è  
Gallia redi-  
ens Processi-  
one Regis &  
populi exci-  
piter.

Hagek. Ann.  
1343.

*Arnestus*  
*Templum Sc*  
*Egidij Pra*  
*ge absolvit.*

Sacerdotum  
Collegeum  
in Metropo-  
litana Pra-  
geni Eccle-  
sia funda-  
tum.

per Bohemiam Sacri Matutini sub Auroram ( quod Maturam vocant ) canendi, quod in multis Bohemiæ urbibus hodié que bono more servatur. Nimis et si Carolus fundarit, attribuerunt Ernesto, cuius consilio in rebus minimis ac maximis Carolus utebatur. Hic idem Annus 1343. quantum Pontifex Clemens, quantumque Curia Romana Ernesto deferret, ostendit: devincti pridem erant Censuris ab Apostolica sede latis, & sub Ecclesiastico interdicto gemebant certi quidam Polonia tractus, ac principi Wladislavien sis Episcopi ditio, quod Censum ( quem S. Petri denarium veteres vocaverunt ) pendere noluisserunt; eam in rem Clemens Pontifex, cum tot præstantes virtute Polonia Præfules haberet, ante omnes Ernesto internuncio uti voluit, de cuius fide, & suavi prudentia omnia sibi pollicebatur, qui Wladislavenses saniora consilia secutos in gratiam Ecclesiæ reciperet, Templorumque ac sacrorum faceret potestatem, ut latius in Annalibus Ecclesiasticis narravit Raynaldus, ex quo ista descripsi.

*Ernestus Legatus Pontificis in Poloniæ proficitur.*

*Raynaldus  
Ann. 1343.  
N. 40.*

## Notæ in Caput I.

**A** Rnestus Episcopus nominatur: de hac Electio ne sic Lupacius 4. Ianuarij: Moritur Joannes Episcopus A. 1343. ( Cuthenus 1344. ) Ernestus succedit, vir, ut habet Fabricius, munificus, & magnæ gravitatis; Misnensis quoque Ecclesiæ Antistes, ubi tamen nunquam resedit, &c.

*in Calendario historico.*

**O**b Nobilitatem, vitæque Sanctimoniam. Electio Pralati quid habere debeat, copiofissimè & Sanctissimè ostendit Dionysius Richelius in C. o Actorum; & quomodo Pralatus hoc onus suscipere debeat, Ludovicus de Ponte Tomo 4. de Perfect. tr. 2. Cap. 4.

*Missa matutina de B.  
Virgine &c.  
Horæ.*

**M**anè in aurora Sacrum. Prævenit Carolum in hoc Pietatis genere Udalricus de Pabienicz, ex illustri familia Woraczickiorum,

szczkiornum, quijam A. 1334. sub Arnesto (ad huc Decano) Missam de Beatissima Virgine in Aurora canendam in Ecclesia Pragensi S. Viti fundarāt, quā de re plura habes apud Hagekum Anno citato. Recitabant ijdem Clerici Horas Beatissimæ Virginis, ut Carolus Imperator in vita sua commemorat: recordatus sum, ait, de miraculo, seu de visione, quæ in die B. Virginis in Assumptione S. Mariæ in Tarunso mihi contigerat; & ab eo tempore concepi ad honorem ipsius Gloriosæ Virginis horas quotidie decantandas in Pragensi Ecclesia ordinare, ita ut de ipsius vita, gestis & miraculis quotidie nova legenda legeretur. Quod postea factum est, &c. Tota hæc Visio Caroli, suo loco opportunius adducetur.

Arnestus Episcopus Joannem Regem, bona Ecclesiæ usurpantem, Annathemate percellit, eaque ipsa in res summa Arnesti moderatio. Narratur causa Archiepiscopatus Pragensis hoc tempore erecti.

## CAPUT II.

**A**ccidit inter hæc quiddam, cui nisi prudentia Arnesti Episcopi per Principem Carolum occurrisset, in summum res publica Christiana discrimen apud Bohemos adduci videbatur; narrabo brevissimè, nam ea res Archiepiscopatui